



Rimnada sistemica da dretg communal dalla vischnaunca da Sagogn

Nummera 2100.01.01

Tetel Uorden disciplinar

Ediziun Ediziun dils 01.08.2005

Remplazza igl uorden dils 04.01.1997

Remplazza igl uorden dils 05.10.1979

Valeivel 01.08.2005

Remarcas preliminaras

Ord motivs da simplificaziun serefereschon indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 07.11.2017 tras Thomas

Cuntegn

I. Disposiziuns generalas	3
II. Disciplina da scola	4
III. Castitgs disciplinars, cumpetenzas, proceduras	5
IV. Disposiziun finala	6

I. Disposiziuns generalas

Valeivladad,
intent

Art. 1

¹ Igl uorden disciplinar vala per las scolaras ed ils scolars da tut ils tips da scola tenor art. 1 digl uorden da scola dalla vischnaunca da Sagogn.

² El duei garantir ensemen cun igl uorden da scola in menaschi da scola nundisturbau.

³ El reglescha las competenzas dallas autoritads da scola e dallas personas d'instrucziun sco era la procedura en cass da cuntravenziuns dilis scolars e dallas scolaras alla disciplina da scola.

Temps da scola,
absenzas,
congedi

Art. 2

¹ Ils temps da scola ein da respectar.

² Per absenzas, congedis ed extradadas anticipadas dalla scola valan las disposiziuns digl uorden da scola e dalla lescha cantunala da scola.

Activitads da
temps liber

Art. 3

¹ Sch'ils affons obligai dad ir a scola drovan ils indrezs da scola ordeifer il temps da scola, suttastattan els a quei uorden disciplinar sco era al reglament da diever per igl implont da scola.

² Per las activitads, allas qualas ils scolars e las scolaras sededicheschon la sera ordeifer casa, ein ils geniturs resp. las personas autorisadas d'educar responsabels.

³ Ils geniturs/las personas autorisadas d'educar ein responsabels per la survigilanza dilis affons durant il temps liber.

II. Disciplina da scola

Reglas da
cumportament

Art. 4

¹ Ils scolars e las scholaras e las personas d'instrucziun han da sedepurtar in viers l'auter en moda honesta e toleranta e d'evitar surtut remarcas offendentas.

² Las scholaras ed ils scolars han da secuntener cunvegnentamein e da prender risguard in sin l'auter e sin las personas d'instrucziun, las autoritads da scola ed il personal da scola. Els han d'observar las directivas dallas personas d'instrucziun, dallas autoritads da scola e dil personal da scola.

³ Tut quei che disturba il menaschi da scola ei d'evitar. Duront ils meins da scola duessen ils affons esser sut la survegionza dils geniturs/dallas personas autorisadas d'educar sil pli tard suenter las suandontas uras:

- a) la stad (avrel tochen october) 21:30
- b) igl unviern (november tochen mars) 20:00

Localitads,
indrezs, urdeins

Art. 5

¹ Igl uorden da casa ed ils reglaments da diever existents sco era las directivas corrispundentas dil personal da scola ein d'observar.

² Las scholaras ed ils scolars han d'haver quitau dils indrezs en las localitads da scola ed egl areal da scola, dils urdeins e dil material da scola. Per donns fatgs cun intenziun ein ils caschunaders resp. lur geniturs/personas autorisadas d'educar responsabels. Mintga indrez da scola utilisau ei da schar anavos en uorden. Donns vid il material da scola e d'instrucziun ein d'annunziar al scolast/alla scolasta da classa, donns vid ils indrezs da scola al pedel.

Pausas

Art. 6

¹ Duront las pausas avonmiezdi e suentermiezdi ein ils scolars e las scholaras el liber. Davart excepziuns decida la persona d'instrucziun. Ils scolars e las scholaras astgan bandunar igl areal da scola duront la pausa mo cun lubientscha d'ina persona d'instrucziun.

Via a scola

Art. 7

¹ Las scolaras ed ils scolars ston da principi ir a pei a scola. En cass motivai sa il cussegl da scola lubir in'exceziun.

Products da
gudiment,
drogas, armas

Art. 8

¹ Fimar, consumar bubrondas alcoholicas e drogas ei scumandau strictamein allas scolaras ed als scolars.

² Igl ei buca lubiu da purtar armas da tut gener sin igl areal da scola.

³ Las scolaras ed ils scolars ch'han in natel, ston tschentar giu quel duront il temps da scola.

III. Castitgs disciplinars, cumpetenzas, proceduras

Cass
disciplinars,
castitgs
disciplinars

Art. 9

¹ Surpassaments da quei uorden disciplinar vegnan puni cun reprimandas, lavurs da castitg, arrest ni lavur speciala sut survigilanza. Egl arrest sto la scolara ni il scolar vegnir occupaus cun ina lavur raschuneivla sut survigilanza.

² Il cuoz maximal per arrest e lavur speciala munta a 4 mezs dis. Igl arrest ni la lavur speciala ha per regla liug suenter las lecziuns da suentermiezdi ni la mesjamna suentermiezdi. Ils geniturs/las personas autorisadas d'educar vegnan informai ad uras dalla persona d'instrucziun tras ina communicaziun en scret.

Cumpetenzas
da
dar castitgs
disciplinars

Art. 10

¹ La persuna d'instrucziun sa dar ina reprimanda en scret ni a bucca, lavurs da castitg ed arrest tochen in miez di.

² Il cussegl da scola sa relaschar tut ils castitgs disciplinars.

Sciariment dils
fatgs, atenziun
giuridica

Art. 11

¹ Il gener e las circumstanzias dil surpassament disciplinar ston vegnir sclari. Il scolar ni la scolara ei da tedlar.

² En cass nua ch'in arrest da pli ch'in miez di ni ina lavur speciala sut survegionza stattan en damonda, eis ei da tedlar avon che decider era ils geniturs/las personas autorisadas d'educar. La decisiun sto vegnir communicada ad els en scret cun indicaziun dils motivs.

Recuors

Art. 12

¹ Encunter decisiuns da castitgs disciplinars dil scolast/dalla scolasta san ins recuorer al cussegl da scola. Quel decida lura definitivamein.

² Recuors encunter decisiuns da castitgs disciplinars (arrest ni lavur speciala) dalla persona d'instrucziun ston vegnir inoltrai en scret enteifer 10 dis dapi la communicaziun.

³ Encunter decisiuns ch'il cussegl da scola pren en emprema istanza eis ei pusseivel da recuorer al departament d'educaziun.

IV. Disposiziun finalaDisposiziun
finala**Art. 13**

¹ Quei uorden disciplinar entra en vigur sin igl 1. d'uost 2005. El remplazza igl uorden disciplinar dalla vischnaunca da Sagogn dils 14 da schaner 1997.

Ediu tras			
Acceptau tras	cussegl da scola	ils	01.08.2005
Controllau tras			
Publicaziun uffiziala dalla vischnaunca da Sagogn.			